

四庫全書

集部

欽定四庫全書

柯山集卷二十八

宋 張耒 撰

同文唱和詩

考校同文館戲贈子方兼呈文潛

補之

二十年來曹子方新詩曾見未能忘
多才善謔稱物芳
吳娃席上呼作郎
瞥然何許歲月長
只今未老毛髮蒼

自言逢掖非昔狂傳經華陰夫子堂何曾騎馬身挾槍
詔隨上將西擊羌董蒲跣注謂我臧夜行馬頓飢無糧
鼓輦驚谷騎卷岡吏呼馬微醉在牀前鋒奄至靈武旁
中堅不後無敢驤城門三日收蔽隍百駝載竒千橐裝
旌旗立壘烏烏揚還軍不省一矢亡坐師無獲勞不償
饒歌入奏虛錦囊秋風鱸魚思故鄉銳頭宜董鶴鷺行
得官猶領萬驢驢王城對巷如參商那知連月居茲房
稱多量少非我長羣公古鏡懸秋光閉門飯飽庭葉黃

秋盤登兔官耐香吳音訛變雜秦涼令壺老柏笑覆觴
淹留平日夢欲翔得君可樂殊未央人生傾蓋何所望
結交松柏要冰霜中天號出玉璽章青驄御史騰康莊
歸期屈指未可忙聞君況有夢虺祥生女不惡嫁鄰牆
掃軒留客具酒漿與君更約城南張

忠臣

五年坎壈哀南方江湖魏闕兩相忘洞蘿巖桂塞孤芳月
潭風渚傳漁郎單闕孟夏草木長望都樓觀鬱蒼蒼

欽定四庫全書

卷二十八

六月以家艱去國
丁卯四月還省

誰令焚艾辭楚狂復來上君白玉堂黃門

戟曜羽林槍未央引籍班氏羌雲屯錦簇馬斯臧大官日膳
瓊為糧追隨威鳳鳴高岡豈敢偃息復在牀投鉛歸休下殿
旁銜士傳詔來如驤館閭闔外西城隍書案迫遽不及裝顧
俊士集要言揚得弓勿問何人亡趙璧既入秦城償穎脫喜

見錐出囊同人于野不擇鄉我我羽翮整顏行天開玉勒皆

驕驕伯皆懷贖望金商

原注
天啓

魁梧奇偉值子房

原注
文潛

家令數術

應帝王

原注
元啓

三英粲粲日爭光我輒與之較雌黃芳非滿室蘭

生香坐堂月久秋氣涼將軍思歸歌撫觴

原注
子方

倚梧目

送鴈南翔想見葭菼水中央洞庭河漢遙相望香楓葉

老赤染霜感慨少日七步章長安城西約鄭莊

原注
子方

无咎文潛天
啓嘗有此約

牽率不往有底忙人生可意皆吉祥快馬

劃過小苑牆入門爛醉銀鉶漿秦箏趙瑟喜高張

次韻无咎戲贈蕪呈同舍諸公

輔

少年落魄走四方看山聽水興難忘深林誰復知孤芳

十載江湖稱漫郎紫溪風月幽思長綠水如鏡烟蒼蒼
追隨豪雋多清狂春風爛醉胥山堂下瞰羣峯聳如槍
吳儂棹歌笛弄羌攀蘿捫薜疲獲臧經旬選勝行齋糧
客見經臺倚高岡共卧明月吟胡牀投身忽落崑崙旁
征西萬馬隨騰驤官軍夜半填賊隍食盡師老催歸裝
將軍數奇謾鷹揚斬捕不能酬失亡曲突徙薪語莫償
幕中病客非智囊扁舟夷猶憶吳鄉晁侯平日丈人行
生駒今始見驕驕伯樂一盼過老商恐是稟質蒼龍房

久工吳語放降王叔敖抵掌對燭光秋英落盡金鈿黃
玉甕浮春醕發香九天廣樂來新涼笑談聊此共一觴
天衢六翮將翱翔正值羿轂游中央我老委翅無復望
洞庭橘熟千林霜行當拂衣解銀章買取百花洲畔莊
世外日月何曾忙翛然一室生吉祥車馬還能過我牆
夜具茗飲與蔗漿更看君詩雲錦張

敬用无咎學士年兄長韻上呈子方太僕鄉丈

肇

兩河郡縣淪西方西人思漢今未忘果園蕪沒白草芳

原注靈州乃赫連勃勃果園

旃裘戲馬誰家郎車箱峽口澗谷長旄

頭倒挂回穹蒼王師西出討獮狂六花簇疊來堂堂前

鋒銳頭臂兩槍伏姦謹索收生羌天聲隱赫搖姑臧奇

兵繚背斷饋糧決河有聲如壞岡城頭擊鐘聲殷牀萬

甲幾欲漂無旁雖有伉健誰騰驤一夫不敢陵彼隍馬

首欲東促歸裝緘胷有策鬚眉揚歸來恍恍若有亡勛

勞有日何由償戰鞍挂屋尋書囊日隨飛鴻思帝鄉彭

城老將官橫行幕中市駿收驢驕射堂兩部奏清商應

弦破鐫如蜂房

原注劉渭州射為天下第一

笑談斥土羈名王畫圖

遣奏朝明光詔書留典真乘黃錦韉玉勒春風香平池

老柳高雲涼神駿在目豪吟觴跨下蹀躞驚鳬翔皇居

九衢天中央我時項背聊相望西城九月天隕霜夜談

關塞評文章微言竊比惠與莊和詩脫筆覺我忙視君

韜養壽且長功名有來成堵牆勿憂寒暑敗玉漿韞弓

箛矢用此張

无咎兄贈子方寺丞見約出院奉謁復用原韻上
呈子方兼答无咎見及語

未

曹侯驥骨雙瞳方流沙萬里志不忘讀書故山蘭蕙芳
咳唾不顧尚書郎參軍朔方試所長奮鬚決策服老蒼
願得一索縛狡狂凱歌揉馘獻明堂黃河東峙萬旗槍
義渠竟失先零羌坐師失律無否臧但恨不取東關糧
黃君詩力回魁岡十客未得一登牀攜君秀句展我旁

草書紙上蛟龍驤謂我君舍城東隍年來長嘯棄軍裝
載酒欲訪執戟揚休日出門如闕亡坐令耿耿願莫償
紫衣宣詔襍被囊獻書貢士學典鄉羅庭充屋書萬行
風髴霧鬣簡驪驢考評唐虞論夏商相過近如蜂隔房
君家八斗陳思王千年門戶有輝光任城健將獐鬚黃
猗蘭之苗不敢香家人寄衣秋晚涼滯留華館付杯觴
天高月明新鴈翔明燈高談夜未央屈指計日引領望
來時汗流今雨霜重門事嚴御史章賴君諧捷解色莊

還家有日未用忙眉間黃色是何祥晁侯約我走門牆
但無閉關休饋漿莫以獸微弓弗張

復用方字韻奉贈同舍慎思文潛同年天啟

補之

平生數子天一方今夕何夕情難忘荷衣攬蕙氣芬芳
冊府兩公同舍郎崑崙方軌萬里長西城却望天蒼蒼
秋庭風雨翻幕狂夜語蔡侯同一堂張侯老筆森牙槍
文詞楚些遺蹇羌胷中水鏡誰否臧學三百困羞裘糧

思如決瀆萬仞岡大編小軸山壓牀城南買屋君舍旁
疲驂日附驥尾驤我慚昧道由四隍人如燕宋初束裝
聽君雄辯神揚揚却思得一愁十亡鄧侯韞櫝價不償
有方未試聊貯囊起家牛斗玉筍鄉鴻鵠早入鵷鷺行
和鸞采齊要驪駒一鐸便足諧宮商知君雲壑有松房
南陽耒耜心霸王玉池復說夜有光仙人藏丹金鼎黃
願分神漢浴骨香非我其人慙德涼蔡侯發跡江濫觴
閉籠祇欲擘海翔此公事業未渠央六奇他日我所望

烏號張月刀瑩霜列五單于加印章穰苴何但虛斬莊
遭時立志未可忙白犢得瞽寧非祥嗟予企踵不及牆
逢君如渴御蔗漿怯雖如鼠猶膽張

敬次无咎來韻抒寫素懷兼呈文潛天啓伯時仲
達

忠臣

梁宋吳楚各異方交情一契不相忘况乃顏色瓊枝芳
石渠金馬從諸郎我徒瀟湘烟水長江湖飢見山色蒼

扣舷弄月浩歌狂
竭來濫吹崇賢堂
儲胥乍駭綠沉槍
擊鼓震誓庸蜀羌
爰居受享謀非臧
悔辭卑飛斑竹岡
終日獼祭書繞牀
故山秋菊英可糧
西風夢掛南斗旁
翠蚪絳螭交首驤
坐看樓闕照天隍
壯心鬱律軍騰裝
歿弓卧甲氣不揚
揮斤欲斲獲人亡
劍價倚待風胡償
雲間邂逅得智囊
洞庭釣天奏帝鄉
慷慨奮擊萬夫行
天路滅沒飛驪驢
張侯同聲羽應商
蓬萊方丈屋連房
海口瀾翻議百王
太一下照青藜光
要我挾槩弄鉛黃

四庫顛倒翻芸香蔡鄉来自安西涼慨慕玉關歸獻觴
同官李柳並翱翔鸞和節奏聲央央誰其力薦慰所望
九閭白日無雪霜垂光虹霓急草章沉冥清遠兩蜀莊
人間勢利本不忙麒麟驚驚國珍祥每恨官隔西掖牆
可使簸揚挹酒漿不似箕斗名虛張

謹次原韻奉酬慎思學士年友

李公麟

君家祝融水一方平生書聞食可忘雲河漱潤寧瑤芳

天帝壁府讐書郎馳騁千載凌子長神清骨秀顏色蒼
書淫傳癖笑輿狂十年此會同都堂上樓吟春碾旗槍
詩筒吳歛賡楚羌一律校文公否臧日飽太官沆瀣糧
朱鷺入網空南岡賢書奏牘紛滿牀朝出粉闥暮帝旁
駸駸天路羣龍驤病鴟跼跼乃汙隍白雪隴望因倣裝
放歌長林聲激揚佩蘭思馨雖朋亡雲出鳥還聊自償
羽扇麈尾隨經囊龍眠乃是無何鄉朝遊不亂麋鹿行
歸卧展圖觀驕驍憲貧頌古時歌商徜徉興罷住雲房

焚栢翻經究法王冉冉暗度歲月光山頭草青還葉黃
洞明已死間骨香此志未就嗟涼涼親顛向白每稱觴
盲甘鞭後難翱翔竭來竊食天中央古人千載空相望
同文鎖密御史霜得公再集評文章亦說種松輞口莊
使我夢蝶栩栩忙便欲負郭占農祥開門倘容倚孔牆
想挽北斗下挹漿篋篋更對高秋張

次韻呈慎思學士

子文

咸韶漢武來何方鏗鏘入耳安能忘陽春蘭芷秋菊芳
金門詞客青袍郎昭回下燭光焰長深山大澤龍蛇蒼
浩歌激烈元非狂正逢聖主開明堂風煙闕塞收旗槍
舞干兩階臣戎羌喋血拓境謀非臧邊城夜行休齎糧
采詩不復嘲青岡蚍蜉戢羽戍婦牀移文北山猿鶴旁
渥洼朱龍兩服驤胥靡版築罷浚隍白環楛矢貢篚裝
航海萬里風帆揚旂裘種落嗟脣亡諸蕃入學願可償
槐花舉子促書囊成均貢士賢登鄉東門宣詔札十行

我慚駑駘追驪驪何敢望回不及商毛遂末至宗連房
賴有墨妙江都王傳模共分此日光驂騑綠驃兩耳黃
想見蹙踏披天香坐覺暑退秋堂涼拘牽齷齪漫引觴
門外烏兔雙飛翔悠悠逝川東未央故山魚鳥空相望
鄧侯意氣摩秋霜朝吟百篇暮千章駢羅經史貫列莊
落紙但見書史忙孔鸞羽儀各効祥鄙夫不學空面牆
先饋不用驚五漿烏號要須責育張

次韻奉酬无咎兼呈慎思天啓

未

平生結交圓納方過眼十人八九忘
晚蘭畝蕙幽谷芳
嬾隨家奴諛五郎苦飢方朔身漫長
顛毛種種顏欲蒼
誰謂勝癡端坐狂清淮之陰一草堂
列筆作陣茶森槍
絕口平戎與破羌百年如此計亦臧
何用竊食官倉糧
玄黃病足畏高岡但願縮頸老支牀
煌煌東壁日月旁
神仙鸞鳳爭騰驤萬書落架城覆隍
牙籤如雲丹碧裝
晁侯再作班與揚正始故在何曾亡
江湖十年願飽償

夜成七發光出囊蘇公後出長卿鄉為君吳都無一行

原注蘇翰林欲作杭州賦

見无咎杭州七街乃止

世有伯樂生驪驕肯使弭耳

隨鹽商鄧侯楚山深閨房名走上國文侯王朝隨日景

夜燈光包攬今古窮炎黃吐詞分葩有國香近君如雪

六月涼又似心醉醍醐觴東南蔡子名飛翔同隨天書

拜未央瑰奇宏傑萬夫望頰牙凜凜有風霜文如神鼎

爛龍章鍾山長齋讀老莊論兵說佛兩俱忙不夸得硯

文字祥但願破敵如頽牆我窮乞酒更得漿仰看三虎

爭雄張

贈天啓友弟

未

桑弧蓬矢射四方
嬰孩立志長可忘
莫學兒女漫弄芳
豪氣當視交河郎
郎邊城入望千里長
長臂韞時架角鷹
蒼搏捷仍放韓盧
狂鷹日暮隨登堂
往來絕藝精飛槍
餘勇猶足吞頑羌
讀書誰謂穀勝臧
臧盛時萬鍾遠餽糧
水輸長川陸登岡
垂弓在橐駝在牀
蔽扞入陣牌居旁

天馬馴工披甲驤受降濬築修城隍刀頭不惜千金裝
三十六將皆鷹揚故境可容尺地亡子頗自負當風償
況復武庫踰書囊惟我與子舊同鄉友生固自騰雁行
更欲揚鞭向驪驪豈但傳經如卜商不見漢時張子房
身纔六尺佐時王功業能依日月光素書一卷初逢黃
異時破賊玉書香當使相繼來西涼時臣稱賀持壽觴
鴻鵠一舉橫飛翔光陰應須及未央

案此句下原本闕
望字韻詩一句

不侯可忍點鬢霜少年天子坐建章寵待穠苴不顧莊

嚴兵待時雖未忙
黜首授首先有祥
王師會看傳城牆
郊迎父老攜壺漿
去病當時凱樂張

次韻上呈樗年主簿鄉兄

肇

君家晉陵我朱方
君家易知復難忘
十年不見蘭畹芳
青山翩翩黃綬郎
我遊東南歲月長
江流洶湧山鬱蒼
燭龍東來尾鬣狂
鳥爪真人坐高堂
山中旛刺森戈槍
道場法嗣通衡羌
大道甚夷車御臧
獨不進步誰資糧

脫身簿領行澗岡青崖結茅雲繞牀飄飄西墮梁宋旁
至今夢想猶高驤矧復約子西城隍瓦爐梵夾隨行裝
形骸土木神遠揚少狂豪氣今則亡劇談軟語志頗償
模寫物象揮錦囊樽前坐我烟靄鄉憐君駸蹕未著行
側身六合悲驕驕即今文學科卜商赤刀大訓在西房
詔書興賢利賓王重闌共此燭燈光肥羊細肋蟹著黃
茭蒲生白晚菰香落月動影簾帷涼夜如何其未卷觴
座間詩陣鵠鵲翔卧旗蓄銳宣遽央我堅孤壘何敢望

降旛欲掛月似霜獨君一掃可得章
滔滔筆力抵卞莊
兩虎未捽終不忙蜘蛛拂面歸有祥
便看大榜挂北牆
南城西寺載穀漿背城借一猶能張

次韻贈无咎學士

幹

毗陵城如金斗方往事歷歷那能忘
相逢童子佩蘭芳
秀發人指誰家郎未幾重見突而長
即今不覺秋蓬蒼
嬉笑豈復為兒狂追昔宓子初登堂
辭鋒峭拔森刀槍

欽定四庫全書

卷二十八

器識沉遠包夷羌陽秋寧肯露舌臧有子遊學先聚糧
相將百里陟岵岡邂逅一揖坐僧牀大辯傾注如無旁
天馬方謂先騫驤觀魚誰復駐濠隍瓜期受代垂趨裝
當路奏牘交稱揚行將超擢奄云亡坐令志氣不得償
傳家宜託錢一囊諸兒經行名州鄉挾書繼踵諸父行
旋見天衢飛驪驕論治直要超周商術卑效淺笑杜房
況是亨運遭興王致君紹祖邦家光何止追考歸焚黃
遽庭朝露明芸香異書滿閣秋氣涼詠歌間成隨豆觴

讀之如欲凌雲翔暫迂大手離未央

案此句下原本闕望字韻詩一句

挈篋來寄深閨霜賓興賢能視文章尊尚周孔摩韓莊
搜奇殆有通夕忙英遊疑動聚星祥我歸復翳環堵牆
世味已能如飲漿羲皇上人琴一張

次韻樗年見貽

補之

平生車軌周四方結交童齒老相忘異哉余子久彌芳
吳人猶記稱周郎河豚入網荻芽長宜興罨畫烟水蒼

風雩春服真少狂不愧戴崇升後堂

原注時王平父方教授毘陵擢年所

最厚橫戈筆陣倒千槍升鸞獨步禹幽羌

原注擢年奏藝開封第一世

儒膠擾旬足臧說食不救飢求糧瞥思振衣千仞岡空

林無人一繩牀五車純束不在旁欲徹梯檣排空驤鍾

山春水遶城隍從師不憚白笈裝矢鋒相觸塵不揚驪

黃牝牡若滅亡子嚴主簿志不償厭見朱墨紛愴囊西

風雲日思帝鄉東華拜敕鳬綴行黃昏闔闔飛驢驢虛

堂節候變金商間門蟋蟀鳴我房吾君仁聖周成王屏

驅虎豹開明光山龍粉米誰青黃多儒可贊至治香園
檀山石豈荒涼潢汙蘊藻須豆觴願君與借羽翮翔賢
書蚤列升未央

案此句下原本闕
望字韻詩一句

君如病鵲待秋霜牛

衣未可悲王章公朝道闢五達莊服裏按節緩勿忙夢
松生腹渠不祥莫車上僂應循墻功成歸飲沆瀣漿發
機要若黃間張

柯山集卷二十八

欽定四庫全書

柯山集卷二十九

宋 張耒 撰

同文唱和詩

詩呈同院諸公

忠臣

秋日同文館多朋信可依
慧鶯還伴宿巧燕自知歸
藻鑑由來定翹材未覺稀
賢書早晚上拭目看珠璣

秋日同文館朝暉淡淡光聚蚊喧敗帳飛蝠入雕梁香
散青綾被詩翻古錦囊羣居有英彥晤語興何長

秋日同文館虛廊日幾回浮光出林杪古樾蔽城隈遠
笛悲仍壯幽禽去又來微吟還自喜共和有清才

幹

秋日同文館官寮許暫依衛軒留鶴住楚澤滯鴻歸木
選山中勝珍求世上稀清時方物貢寧在篋中璣

秋日同文館興賢道與光雄奇思汝穎浮巧笑齊梁綠

醕傾蛆甕青燈折米囊

原注 器粟亦名米囊

雅談揮玉麈未厭漏

聲長

秋日同文館掄才又一回梗枏輸海徼金玉振巖隈富
瞻看先達清新畏後來百朋行可錫所樂在多才

耿南仲

秋日同文館閒無一事依鬪羊誰得雋倦鳥客思歸寢
處還相向過從不患稀何當有星聚誰為問璇璣

秋日同文館衰然觀國光泗濱何限磬岱麓易求梁劒

氣頻衝斗錐鋒定出囊顧予慙拙匠操尺預量長

秋日同文館新涼逐雨回棘垣嬰吏局蕙帳憶山隈射
為巧狙發田因文豹來西城隨分鎖夫子室多才

商倚

秋日同文館羣賢道足依心遊黃卷靜目送白雲歸寶
玉荆山畫文星禁掖稀

原注館閣諸公多集於此

清談欣屢接紛若

落璣

秋日同文館雲沈夕照光螢吟階下草螢照屋間梁臥

月搜詩句挑燈認藥囊夜闌獨衾枕歸夢楚山長

秋日同文館愁腸夜九回圖書堆枕畔歌吹隔牆隈宿
鳥翻枝去涼風帶雨來新詩勞見寄難繼謫仙才

秋日同文館羣書晝可依衰遲多病在留滯故園歸但
怕酒杯滿莫教詩卷稀惟羞狂斐句瓦礫報珠璣

秋日同文館晨暉帶冷光彩雲瞻鳳闕細雨憶魚梁久
事班超筆空嗟趙壹囊簾間坐無語千丈旅愁長

秋日同文館西風昨夜回燕巢留屋角蛛網挂牆隈書

任邊韶嬾詩慙匡鼎來人人皆抱璞誰是濟川才

未

鄧侯讀書室編簡自相依
眎手焚膏寫瘡肩滿囊歸業
文從古有裁句似公稀
欲挈空虛篋從君乞貝璣

鄧子詩成癖全分李杜光
楚風還屈宋宮體變齊梁
蔡子辨焦尾晁公懷智囊
三賢方鼎峙安敢用吾長

原注
慎思

无咎天啓偶
獲同院故云

我媿言詩賜公真好學
回讐書芝閣上藏史楚山隈

原注

慎思成
書多矣

把酒論交裏連房校藝來知君懷水鏡依賴免

遺才

補之

平生鄧夫子文墨晚相依臺閣佳聲在湖湘爽氣歸

原注

慎思潭人
再入館

詩誇束筍密髮歎蒔苗稀勤苦千秋事川明

水孕璣

雄深張子句山水發天光黃鵠愁嚴道玄龜困呂梁愛

君毫穎脫嗟我病僮囊驥尾何當附西風萬里長

蔡侯南國秀經緯耿昭回文史苔生劒風雲蟄起隈吾
君求助意之子為時來萬旅防秋費何如一士才

輔

十歲湖湘客淹留何所依清名漢閣在他夜楚帆歸落
日三秋晚浮生一笑稀每煩貽秀句真似暗投璣

妙論凌朝徹高文敵夜光輝煌照羣玉縹緲絕飛梁得
句題青竹園基換紫囊相從媿衰朽湖海興偏長

富貴心非願山林首重回拂衣清世外築室白雲隈杜

口同摩詰忘形學子來斯游行欲遂聊此接羣才

肇

圖書從所好英俊此焉依奎壁重開照琳琅盡得歸地
嚴宮漏轉門掩吏人稀子有詩三百西江咀寶璣

客去衣裳嬾更長燈燭光隨身一書笈貯腹萬雕梁夢
舊傳青館封須拜皂囊羽翰從此正天步赤霄長

諸彥聯翩入斯文迤邐回滔滔引溟漲爛爛縹巖隈此
地身拘窘他時心往來倡酬真有味顧我獨非才

子文

鄧子知名久秋闈得暫依論文虛以往講道實而歸得
句賡酬數高言笑語稀自慙初學步魚目混珠璣

刻意長沙客編書逝隙光朝方登廟器時可詠山梁未
用嘲經笥端宜號智囊頗聞窮史學猶想見三長

官輟蓬萊直身從帝所回文章孔庭與事業傳巖隈多
士朝廷念諸公殿閣來英雄須入彀應有濟川才

公麟

苦學鄧夫子仁風良可依顏回樂也內曾點詠而歸盛
德年彌邵知音貴我稀瀟湘逢此地咳唾得明璣

瑠璃墨客堂太一助燈光紬史探金櫃摘詞和柏梁近
傳江彩筆遠緝漢珠囊吏部文難可猶稱萬丈長

共校南宮藝多年復此回羣賢主堂與一榻占廊隈步
屨朝隨逐詩筒夜往來故人情不淺無乃困慳才

秋日同文館詩

忠臣

秋日同文館分塲試未齊借書窮石室刊字費棠梨想
見英雄穀誰當甲乙題喜陪羣彥集通籍在金閨

秋日同文館來游翰墨塲預聞周俊造多有漢文章蘭

室依新潤

原注與文潛元
答天啓連次

芸書識舊香逢辰強思報矯

首詠明康

秋日同文館晨興不待雞耽書迷甲子行樂任東西靜

對庭柯盼閒常柿葉題相期放朝後連日醉如泥

補之

高堂置書几連幕與雲齊暑服猶便葛秋盤已釘梨官
醪聊且醉古錦不成題空對燈花喜重城隔夜闌

輟直雋書館連裾校藝塲騰驤來萬里挺拔出千章直
釣何妨得餐風未必香搜才賴公等要助俗成康

憶我蓬萊閣同聽午唱雞星辰望天北簪組隔城西幾
日宣魚鑰長驅響月題更憑催鄧子要剗玉如泥

未

騎列千牀直雲羅萬卷齊舒妍交孔翠爭味雜粗梨白

日諸侯貢青春天老題秋清文酒健莫數羽林閨
聲鳴皆出谷甯距各爭場鐵網收明月霜鉞倒豫章湛
恩終錫宴優禮合焚香最苦讎書客消愁賴杜康
六銜分夜鼓鄰屋報朝雞寒引秋初老大將斗轉西滯
留聊飲酒談笑亦分題須信家居樂休嫌窮巷泥

肇

清月看初滿黃花吐未齊小山思隱桂大谷憶佳梨節
物信可美詩騷慵自題長年諳獨宿聽雨閉秋閨

匝合青雲幕從橫白羽場誰矜率爾對吾念斐然章名
淡隃糜榜衣飄月窟香春風馬蹄疾鞭帽散平康

萬里夷王子曾聽若木雞泛舟滄海外授館國門西環
幣來重譯車書想舊題蒼梧弓劍冷雲雨泣芝泥

原注
試院

乃館高
麗使客

闌寂同文館秋英綻欲齊禪庖分白乳仙果破青梨琴
理將忘曲詩探未賦題清歡在文史誰復夢重閨

明時勤選擢間設譽髦場該學添三傳微能及九章靜

無桃葉唱清有菊花香解我幽憂病惟應賴杜康
鵲卵因時化如何赴越雞逸羣來冀北屏氣入淮西
盛事兼三物浮詞斥百題慎須精藻鑑寵辱異雲泥

倚

秋日同文館高臺燕集齊杯盤供魯酒酸核有張梨揚
孟持新論韓莊鄙自題須知宗匠手文采冠朝闈
秋日同文館何人獨擅長養莪方在止琢玉已成章
筆列千鋒陣庭焚一炷香得賢從自始豈特致民康

秋日同文館棲林看晚雞斗垂宮殿北月轉戶庭西酒
勸杯中綠詩分燭下題何時還九陌細雨莫成泥

南仲

詔命連催發英髦一日齊周瑜醇似酒崔遠爽於梨高
館清無夢寒燈坐賦題還同宿山驛風雨閑重閨
槐市任花黃賡歌且闢場醒心流水曲驚耳白雲章冷
竹枝枝翠芳蘭葉葉香滿前皆俊彥何但有三康

翠幕春雲合登場看舞雞冥搜人不到驚眄日沈西瞻

學愁精鑒英材喜巨題何人當首選雙舸起蜃泥

子文

磊落羣英集崢嶸逸氣齊捷機聞墮竈妙論及交梨庭

木何年植窓塵異域題

原注高麗人館此書字尚在

獨憐車馬散寒

月滿宮闈

嬾散江湖客秋深念滌場端宜返田里安敢論文章山

塢橙應熟霜籬菊正香行歸招隱客鼓腹詠時康

原注卜居

南徐有招隱
鶴林之勝

國器來金馬儒冠萃木雞勝心羣逐北銳氣鼓爭西海
嶠鵬程急春風鴈塔題應思連夜雨車馬六街泥

公麟

鎖寂身如隱幽清物向齊忘憂經露菊蘇肺到霜梨白
髮資談嘯朱籤厯品題賢書天下望鵲喜徧深閨

呦呦鹿鳴野皎皎白駒場芻盍連茅茹文程琢玉章門
通三級峻桂露一年香慶及飛龍旦同歌庶事康

寄棲容幕燕覆蔀等醯雞欲雨風多北窮秋日易西官

書便夜讀家報索親題早晚駢駢入重門拆印泥

輔

別館明簪盞華堂燕俎齊手香思露橘齒冷怯冰梨桐
影迷金丹苔痕上壁題共憐今夜月亦解照秋闈

平生詩酒興縮手少年場誰敵江河量爭看綿繡章論
才皆國器滿袖尚天香欲寫弘文士風流有長康

開口曾吟鳳臨池豈厭雞詩豪杜工部墨妙庾征西歸
及黃花在能忘彩筆題醉游須爛漫莫惜錦障泥

未試即事雜書率用秋日同文館為首句

忠臣

秋日同文館沈沈鎖棘圍捲簾襟乍快歌枕夢先歸驟
雨憂環堵回風喜袂衣十年經五試撫事意多違

秋日同文館人閒景自長重簾朝氣入嘉木午陰涼朝
市喧聊避山林興未忘頻添繞爐水還與試香方

秋日同文館重門靜不開雲隨鴻影去風送樂聲來插
架書千軸論文酒百杯晚花陳葉滿還是作愁媒

未

邃館深魚鑰華堂靜鎖闌每勞蜚作伴不與燕同歸古
棟蝸成篆空牆蘚作衣寂寥還泛菊九日莫相違

名自諸侯選功收一日長文章雜蛟蚓丹墨有炎涼平
昔曾充貢酸寒未易忘書生成底事飽死笑東方

倦枕愁霜苦晴窓宿霧開幕雲當晝合袍雪與風來元

日彤庭實春風曲水杯何須戀楊柳聖世要無媒

原注
唐無

名子有不第落句云早知不
用無媒客悔別江南楊柳春

肇

翳翳雲生樹翻翻風動闌高秋忽如此吾黨苦思歸極
目愁關塞侵寒寄褚衣少年真喜事回首壯心違

物色清秋逼官曹靜夜長華星披夕靄皓露洗空涼律
細詩難繼禪心夢易忘依稀貪佛日香火宿諸方

取士魚鹽出傳經戶牖開驚濤簾外起驟雨筆端來人
競懸金鑑書方貴玉杯太平元有象勿遣賦良媒

補之

風雲日夕改秋氣襲堂闌映葉無蜩響依叢有蟋歸官
壺催賜酎鄰杵急成衣留滯真何補尊鱸興又違

氣入中秋勁更傳五夜長青燈蛾舞急白日鴈啼涼羈
旅生應慣淹留久却忘吟詩愁鄧子畢昴出東方

前世諸生選平居數路開鄉閭自相與巖穴亦特來射
雉空忘矢為蛇更奪杯千金曾市骨聊用作龍媒

幹

零露沾明砌淒風入邃闌添愁蒼勸織警夢鳥催歸良

調孤吹笛寒聲遠擣衣飄蓬雖已久今夜覺分違
引類憑先進搜材及寸長隔簾愁晝暝隱几怯秋涼化
力人難測機心我已忘封侯良可待雖有不龜方
簾幕深常閉門庭闕未開愁將河女隔喜見月娥來騷
客吟冰柱仙官醉玉杯蹇修那可得笑齒竟誰媒

倚

氣候逢秋晏蜚鳴入戶聞簷空看雀闌天闊慕鴉歸風
急飄庭葉寒先著客衣重陽故人酒應念賞心違

門深鄺市遠幽寂興何長
徑菊晴披豔窓風晚逗涼
聖經閒裏醉塵鎖夢中忘
更苦年來病時看肘後方

旁舍迴廊接重簾晝日開
鳴蟬隨雨退疎鴈拂雲來
吟興降難韻羈懷寄淺杯
驚飈漸淒緊又欲作寒媒

子文

虛廊空白月燈火閉重闌
思苦詩難繼更長夢易歸
徒勞爭墨榜須信有朱衣

原注朱衣吏事見登科前定錄

萬事前期定升

沈不爾違

一一聽宮徵銖銖較短長品題分玉石得失異炎涼中
的非無術知音豈易忘魚龍頭角老變化更何方
萬戶爭看勝三年此一開異時千載遇此日四方來價
重連城璧珍逾羽化杯山梁欣有獲置網豈須媒

公麟

葉乾風索索霜月到書闥枝並鷦鷯宿牀吟蟋蟀歸幽
人知坦履游子念縫衣暗喜還家近承顏慰久違

莫以多為贅須知寸有長拾才何濟濟顧我獨涼涼雷

雨龍皆起江湖魚兩忘攀依聊假手賢立本無方
今朝庭鵲喜燈為一花開側指皂囊去轉頭驄馬來新
橙家斫鱠殘菊客浮杯樂事連休日須憑酒作媒

南仲

敗葉掃還飛秋容肅粉闌青錢如已選白壁會須歸燕
坐書橫案孤吟月滿衣還同潘散騎魚鳥性都違
大軸累千箱鳧中見鶴長靜臨窻几讀爽入肺肝涼誇
詫爭求勝疲勞忽自忘由來京邑貢正合冠多方

藹藹儒冠至恢恢賢路開才須金鑑別人自玉山來謝
客書千卷嵇康酒一杯如君富術業當與雉為媒

輔

空庭秋色晚風露入重闌白髮已無數故山猶未歸江
湖千里月砧杵萬家衣把鏡西風裏低回志願違

鄧子詩成癖苦吟秋夜長江山得奇秀風月借清涼郢
曲高難和騷人興未忘從君乞餘教換骨有仙方

驄馬何時到重闌計日開迎門稚子笑載酒故人來休

沐猶三日狂歌且百杯祥麟秋苑靜更約看龍媒

天啓有少年真喜事之句用其韻和

忠臣

慷慨論邊事飄蕭動禮闈貴須金印綰老要玉關歸食
酪便榆塞鳴鑊慣鐵衣懸知雄辯在志願未應違

詩呈同院後至諸公

忠臣

秋日同文館飛章待報回絲綸先日降鵷鷺忽朋來諸

彥俱精鑒微生亦濫陪紛紛五千牘誰定冠倫魁

子文

秋日同文館中官押入回西風初雨去明月為人來藻鑑憑君許賡歌媿我陪相逢已忘寢坐見斗移魁

向

案此人
姓闕

秋日同文館英遊賜與回搜才推藻鑑明試副招來玉塵聞餘論金樽喜屢陪歸鞍期早晚斗柄指天魁

輔

同文秋已半簾幕燕初回議論皆先覺衰遲媿後來文
衡那敢與談柄且容陪誰掘豐城劍光芒徹斗魁

公麟

秋日同文館淒風動九回亂雲收暑去一雨送寒來猥
與英躔接慙非藻鑒陪雍畿茲籲俊元祐看新魁

肇

文書汗牛馬棟宇切昭回剗玉君曾試吹竽我亦來鑒
精真有賴詩妙不容陪只憶歸山去霜畦斲芋魁

未

驄馬嘶將近天門報欲回妻孥憐別久隣里問歸來左

學徒仍在

原注嘗官太學

西城宴許陪腹毛何足問竒捷看渠

魁

聞慎思話舊隱用回字韻

補之

聞在豪塘隱松林日百回當年鹿何往異世鶴歸來未

許茅齋並終期蠟屐陪丹留杉不死夜氣看星魁

原注慎思

家臨相豪塘骨陶淡隱此山嘗養一白鹿
蓋乘鶴仙去藏丹於杉今大十餘抱矣

詩呈同院

忠臣

秋日同文館論交手重攜越秦常恨邈李杜豈堪齊尚
喜新知語閒思舊句題千年勞夢想同直集英西

溫益

秋日同文館文編亦共攜升沈都莫問榮辱已能齊酒
美何妨醉詩成強自題從容約歸日訪子省闈西

慎思說家山之勝用其語得詩

肇

江清石磊磊野曠竹修修此地有茅屋我行尋白鷗分
留須物色來往更風流相對黃塵夢詩成擁鼻謳

忠臣

野橋隨岸架茅屋倚林修木落吟霜狖雲晴舞雪鷗山
屏當戶列瀑布入溪流只合樵歌唱何因得蔡謳

柯山集卷二十九

欽定四庫全書

柯山集卷三十

宋 張耒 撰

同文唱和詩

初入試院

忠臣

東門驄馬止行行
被詔秋闈閱俊英
三島隔雲天北極
萬燈明路國西城
人間聊假詩書樂
地遠還聞市井聲

一夜涼風起閨闔月中應有桂枝生

孔武仲

十載江湖萬里行偶來西館閱豪英雲龍九闕宸書詔
燈火千門夜出城瀟灑庭除當月色稠重幕帟斷人聲

年家兄弟今同舍曾見河南起賈生

原注懷思被薦廣西先人為轉運判

官有詩
錢行

補之

官局悠悠共此行來時庭菊未含英五更脫葉驚書几

一夜寒砧滿禁城詩似涼風淒有興酒如清露浥無聲何
時驄馬催歸去更看林端魄一生

未

莫歎忽忽襍被行賴逢數子美如英已看明月同為客
應犯初寒復入城白日有書追睡思青燈無夢聽秋聲
直無別甲逍遙地幾日疑公太瘦生

子文

足然誰復喜斯行開豁拘懷賴俊英上國擢材初改轍

衆心督戰亦乘城何時奏籍瞻霜簡且復安眠聽雨聲
異日儻容休沐會未慙相約太癯生

公麟

敕使書囊間隊行聚星深館粲諸英雲隨襟袖來蓬島
香散房櫳宿化城振鷺充庭天有幕珊瑚入網海無聲
範模一世尊先覺況此題評慰後生

倚

承詔掄材敢倦行廣庭深鎖待羣英分場自敵三千客

決勝誰降七十城夜案尚聞塗卷筆曉星方聽讀書聲

原注每早常聞
无咎諸公讀書

歸時還有黃花否已覺秋風滿袖生

幹

江南嘗應檄書行多向西風拂露英薄暮解裝融祖寺

原注去年八月檢
山祖堂寺法融禪師坐禪處也

侵晨揮策楚王城

原注在
宣州東

前年歙州考
試時曾過

明蟾又見中秋色哀鴈仍聞半夜聲懷舊

感新搔短髮歸時應有二毛生

南仲

昭回雲漢九天橫冠帶祁祁盡俊英梁國有珠光照乘
趙人懷璧價連城道山遠處分羣彥文律持來考正聲
秋晚定知誰入彀叔通還進魯諸生

肇

千門鑰入斷人行禁漏稀微出邇英齊拜敕書期老伏
竝驅騶馬出西城誼諱燈火看如夢關鎖官曹祇寄聲
聊付能詩破羈旅詩成冉冉又還生

試院即事呈諸公

幹

去家策馬上長河逆旅光陰忽忽過陳迹不堪追放浪
新才仍復委搜羅雅談幸有青雲士佳句寧無白雪歌
此興非憑吟笑遣未應能奈客愁何

武仲

衡門咫尺限關河北地平時匹馬過欲把塵埃補山岳
寧辭羽翮置置羅華堂翠帟供閒燕明月清風伴嘯歌
擬寫秋客須筆力新詩句句似陰何

補之

天街初月映天河
拜敕東華走馬過
解榻暫如龜遇木
閉簾還似堆嬰羅
倦依書冊工催睡
悶倚詩篇足當歌
可待紛紛歷朱墨
晝閒惟有飲亡何

未

天街落日馬鳴珂
咫尺衡門不許過
催去據鞍猶鶴望
爭觀夾道已雲羅
奏篇定有凌雲賦
招隱今無扣角歌
最苦清秋孤美睡
通宵三問夜如何

子文

高談初喜聽懸河未厭鄰房日夕過
蜘蛛看結雨中羅銀袍校藝觀劼敵
玉帳收功聽凱歌
共是當年廷試客鎖闥今日合如何

公麟

盍簪聞善若江河簾幕踈閒笑語過
月照飛牋穿戶綺
風生揮塵動衣羅已張英穀收三俊
更賦離騷續九歌
涼夜沈沈清不寐空庭無奈葉聲何

忠臣

俊遊常恨邈山河邂逅文闈得屢過
朱簿分明俱鼎立墨圖俾位看星羅
人間戶牖還相近朝得英材信可歌
雙鑰重關非不密只應無奈夢魂何

南仲

重門鍵鑰阻山河顧有良朋不厭過
唾落如珠傾巨斛袂揮成幕散輕羅
慙分處士吹竽俸漫學東人掩鼻歌
笑語哄堂俄又夜愁還奈我曹何

倚

風生簾幕撼層波
沉值清秋一半過
堂上簪裾方鷺集
案間圖史已星羅
東籬採菊朝嘗酒
北里吹竽夜聽歌
早晚奏名聞黼座
望中無奈白雲何

再呈慎思諸公兼以言懷

倚

南窓寂若隱山阿
時在金門步見過
談笑且看揮麈玉
篇早寧惜灑牋羅
已羞軒冕嬰身住
更問功名撫劍歌

賒得涼秋好風月不成吟醉奈愁何

忠臣

秋闌深鎖覺愁多賴有英遊玉趾過日望高樓吟楚澤

夢隨明月到湘羅

原注湘羅予家所在

南宮曾看揮華藻西館還

來共笑歌六綫飛光如過隙人生誰奈老催何

原注君平直義

登科六

年矣

試場未動文書靜宮舍相聯步履過千丈蒼波爭倚薄

十圍便腹有森羅登臨已結騷人恨填委終翻勞者歌

後夜中庭佳月色惟予不飲奈如何

重九考罷試卷書呈同院諸公

忠臣

題徧朱巖棟宇充燈窓長聽景陽鐘昏眇直要金篦刮
黎瘦都如飯顆逢文律自隨星斗變月評應合士人從
了無一事猶深鎖辜負東籬菊品濃

補之

周行櫛比未應充薦廟方求古鼎鐘經眼乍愁千紙積

解頤聊喜一言逢
黃花庭檻時雖過
白酒鄰槽願可從
更促寄衣真似旅
曉堂初怯露寒濃

南仲

貢珍已選茂良充
猶被拘縻類縛鍾
淥酒強陪高館飲
黃花不似故園逢
棊枰苦戰挑燈坐
蘚壁閒題捧硯從
風葉滿庭秋索寞
更籌向盡睡方濃

幹

庭實方期國士充
知音須辨鐸符鐘
孔融受客樽常滿

摩詰思親節又逢烏養任真終自適
堆媒傷性竟誰從
開門預計無多日猶起清愁暮靄濃

忠臣

屢見高文試澤官長年參校魏龍鍾
懸黎待價由來久
絲綺知音不易逢
吉語乍聞隨鵲喜
歸期專欲問龜從
到家莫負如泥約
光祿供醪味正濃

原注予有詩與同舍云相期故朝後

連日醉
如泥

肇

清秋官舍酒瓶空滿袖黃花情所鍾忽聽數篇吟可老
絕如開口笑難逢浮舟有底不歸去戲馬猶能限莫從
江上鱸魚三尺許西風敲枕夢魂濃

朱

回首登高行復冬後時只合歎龍鍾愁須白酒來酣戰
詩為黃花弔不逢十日飛騰過眼疾萬籤甲乙定誰從

共應淨掃氍毹榻深炷爐香午睡濃

原注時去
開院十日

子文

侵尋節物過秋風何處釣天燕鼓鐘九日菊花聊一醉
五湖佳士偶相逢挑燈款語時供笑借紙聯詩且漫從
待得出關應放意百杯追逐興方濃

原注懷思有如泥之約

公麟

顴俊天畿合辟雍媿將瓦釜綴黃鍾聽窮一一字無濫
撥徧磷磷玉似逢龜列春庭先壞莫龍飛天路得雲從
吾曹莫念拘縈久求稱公朝慶賞濃

鞅掌棲遲一畝宮慣聽更柝及晨鐘黃花慰眼祇爾許

綠蟻于人亦漫逢
幾日囊篇賡不逮
一時庭步笑相從
近來尋卻家山夢
投枕和衣睡更濃

夜聽无咎文潛對榻誦詩響
應達旦欽服雄俊輒
用九日詩韻奉貽

忠臣

連牀交語響春容
激楚評騷徹曉鐘
繞宅金絲神共應
滿潭雷雨劔初逢
信知自有江山助
便欲長操几杖從
俱是年家情不淺
依蘭應許丐香濃

原注先子與張丈
職方晁丈都官同

年忠臣與應之同
年兩家俱有事契

依韻奉酬慎思兄夜聽誦詩見詠之作

未

昔遇晁公淮水東
士衡已聽語如鐘
五車講學知無敵
十載論文喜再逢
古匣劍光疑鬼泣
夜天虎嘯有風從

許侯破的由來事

原注三句
皆屬晁子

杜老裁詩曉墨濃

與文潛誦詩達旦慎思有作次韻呈二公

補之

神交千古聖賢中尚想銅山應洛鐘
傾蓋十年惟子舊知音一世更誰逢
天如蟻磨駿駁旦談似綠車疊疊從
鄰榻秋燈那不共擁衾百首興方濃

次韻重九之作

倚

英豪獻策廣庭中問辯紛紛似叩鐘
名奏九重書密上士欣千載運親逢
鶯鳴定獲喬林樂鳳舉應容衆羽從
盛世文章由此變坐看風俗反醇濃

昔年此日故園東爛醉牛山到暮鐘

原注牛山在臨淄城東二十餘里

已往光陰那再得如今羈旅又重逢淵明把菊情雖厚

子美登臺願莫從

原注杜甫九日詩云抱病起登江上臺

且看羣書敬枕

臥病多仍負酒杯濃

次韻慎思貽二公誦詩

肇

臥聽高齋落葉風清詩交詠想晨鐘故人厚意論千載
正始遺音僅一逢膠膝初期在俄頃雲龍莫恨不相從

芸房深鎖秋香冷鬱鬱葱葱佳氣濃

米

西城永夜靈鼉鼓北寺五更青石鐘九牧何時官事了

三英聊喜故人逢

原注屬同舍
鄧晁蔡三公

甲庚定處君無讓蹀躞

歸時我請從欲卻睡魔通夕語明窓茗粥不辭濃

八弟預薦慎思兄以詩為慶復次韻并寄八弟

補之

吾弟平生辛苦同匹雛志舉百鈞鐘自慙操瑟向不斤

勸使力田終有逢青眼故人欣捷報白頭老母喜占從
書林儻預西城集醺子酣酣杏正濃

九日考試罷聞无咎天啓二弟薦名因用前韻以
抒同慶之懷

忠臣

朱黑沈迷萬卷中斗筭那得變千鍾風流不似臺南戲
牢落正如江上逢閣筆文書聊撥棄到家車馬數過從
阿連已預甘泉奏歸拜萱堂喜更濃

慎思兄別墅在長沙白鶴山晉陶淡舊居事見本
傳今其居有大杉可十數圍蕃茂特異世傳淡藏
丹其中用前韻謹賦

來

千年騎鶴老仙翁固是山川秀氣鍾
桃洞自宜無客到
吳門應合有人逢
巖前舊隱孤杉老
壺裏真遊白鹿從
近有蓬萊讀書客
卜居偶占翠嵐濃

家弟別試預薦特蒙慎思學士贈詩致慶感荷不

已次韻酬謝

肇

我家書冊代耕農尚祝甌窶畝一鍾再築金臺端不昧
高懸水鏡亦難逢親聞動喜欣欣色士論推公趨趨從
好在黃花歸薦壽秋堂歡笑變春濃

同舍問及故山景物用鍾字韻賦詩以答

忠臣

吾廬高對玉池峯日聽諸天奏鼓鐘海外鶴歸青嶂覺

洞中花落碧溪逢翻經夜對高禪講採藥晨邀老圃從
說與羣仙如畫出紛然歸思亂雲濃

肇

白鹿真人歎御風青杉手種大如鐘還丹未化神應護
道骨相期子合逢萬里且看騰踏去一樽聊喜笑言從
攢峯列壑休南望曉榻秋陰分外濃

補之

玉泉飛落白雲峯散入山田畝十鍾鄧子結廬真世外

陶公脫屣更誰逢
鶯啼春竹風烟近
龍起秋堂雨雹從
誰使山人空蕙帳
蓬萊金殿興方濃

輔

洞庭湖外白雲峯
醉臥虛堂聽曉鐘
澗草巖花無日歇
仙人玉女有時逢
脂車石路君能去
蠟屐秋風我願從
欲藉神方變華髮
黃精苗盛菊香濃

幹

烟霞曾是踏諸峯
翻作清歌笑玉鐘
幾代孫經桃塢隔

千年壇憶華山逢美才方赴鳴騶台逸興何由稅駕從我
亦江鄉成阻闊西風歸意浩然濃

倚

先生家住翠微峯萬卷詩書酒一鍾壁挂葛巾無客到
雲藏古洞有仙逢溪邊晚釣呼鷗伴花底春吟引鶴從
只恐舊山歸未得帝恩朝夕露濃濃

南仲

草廬高臥對千峯白眼誰能顧萬鍾側席不因天子詔

藏詩未許世人逢
他年社稷勲如立
歸老烟霞志會從
五柳一松應好在
月明空自結陰濃

感興復用鐘字韻呈同舍

忠臣

五年湘水聽霜楓
長樂初聞此夜鐘
遼鶴亦知華表在
仙棊猶許爛柯逢
蓬山道藏聊為戲
石室真遊久欲從
便擬作歌招隱去
人間得意不須濃

慎思屢以佳篇見貽
且俾屬和而衰老困于強

敵輒為詩以謝之兼簡无咎文潛天啓

輔

鄧侯清骨如冰瘦少日文章苦用心賦罷吹噓因狗監
詩成傳誦到雞林陽春白雪無凡曲流水高山有至音
更唱自存三益友老來衰病廢長吟

漫興成章屢蒙子方寵和更辱贈句輒用奉酬

忠臣

聲名詞藻競駸駸不負平生許與心鳴鳳自須諧玉磬

野麋祇合戀雲林清新每喜羊何和冥默初聞雅頌音
不是南冠厭拘繫楚人元愛楚風吟

肇

曹公長劍一杯酒鄧子孤雲萬里心神駿莫辭觀馬殿
深沈久合寄書林禮闈聯事幾三月詞客悲秋共一音
獨有何郎詩思苦空階點滴伴清吟

奉報子方佳句

補之

曹子金門等陸沈壯年裘馬四方心檄傳白羽從沙井

詩寫紅巾徧武林兵甲胷中無敵國

原注崔浩不能彎弓持矛胷中所懷

喻于甲兵絲桐世外有知音相逢不飲何為者祇作寒廳擁

鼻吟

寄次張弟

忠臣

猶頭竹葉細檀欒新筍如椽日滿盤寄語兒童莫多取
來春從上萬餘竿

肇

南山千畝龍蛇窟
半夜春雷起屈盤
欲釣天鰲滄海去
為畱春筍作長竿

嘲无咎夜起明燈聽慎思誦詩

未

翠屏春暖秋眠穩
霜冷寶奩金錯刀
誰信苦吟無睡客
挑燈起聽楚人騷

和文潛嘲无咎夜起明燈聽予誦詩

忠臣

參橫月轉與天高
歸士飛心憶大刀
故作楚吟排滯思
吟成風葉更蕭騷

輔

秋風落盡千林葉
恰似并州快翦刀
香冷洞房歸未得
一窻明月讀離騷

奉答文潛戲贈

補之

倦遊年少憶安巢歸夢嘗慙斷織刀

原注引樂羊子妻何氏斷織事

老去周顒雖有婦黃經對几夜騷騷

摩

鄧子詞鋒魯孟勞剗鐘剗玉盡鉛刀風流陶謝枝梧困
擊節期君僕命騷

忠臣

拚老攷詩恨不高苦心錯玉與礮刀正如天祿秋風夜

剔盡寒燈著廣騷

再謝周顥之句

未

烟飛小玉吳王國柳暗朱樓鐵甕城見說周顥經案外
亦聞荀粲并牀聲

忠

眼看秋鴈歌汾水心到陽關唱渭城卻被維摩居士笑
海潮音作斷腸聲

補之

秋月照歌淮上舫春花引醉福昌城何如閭闔門西北
臥聽秋風枕畔聲

小詩戲无咎

肇

吳山楚水未忘懷暮雨朝雲恨已乖縱免摩伽能毀戒
未妨澤室會于齋

補之

文書盈几法筵埋香火秋來願稍乖得似鹿門攜手去

定隨繡佛鎮長齋

己未春與伯時校試南宮同年被命者六人今茲
西館惟同伯時一人而已因書奉呈

忠臣

十載京師五校文遊多已據通津再來更鎖城西館
點檢同年只一人

公麟

憶鎖南宮會友文天梯相躡看雲津白頭笑我成今日

青眼逢君尚昔人

中秋月

忠臣

寂寥無聲月停午蟾蜍通津墮清露明星爛爛今何稀
美人熒熒隔烟霧

補之

秋風吹空鴈旁午長天無雲月呈露為須清曉照清樽
莫遣中宵生薄霧

輔

空谷秋寒同子午
白月紛紛洗清露
遙想燈花結夜愁
鬱金斗帳香如霧

與文潛无咎對榻夜話達旦

忠臣

書窓燈火夜深明
窓外蕭蕭雨葉聲
對榻不眠談往事
統如五鼓過嚴城

耒

燈花昨夜已分明更聽朝簷喜鵲聲明日朱門閉空館
秋風駿馬大梁城

補之

疎林小雨月籠明商頌琅琅夜半聲鄧子弓強殊未發
欲馳桑本犯堅城

肇

窮秋天氣少晴明雨葉風窻夜夜聲應為幽人聽未足

不教驄馬出重城

原注時已暮號而御
史不至遂留一夕

柯山集卷三十

欽定四庫全書

集部

柯山集卷三十一至三十三

詳校官庶吉士汪彥博

侍讀臣孫球覆勘

總校官進士臣程嘉謨

校對官學錄臣常循

謄錄監生臣嚴孫詒

欽定四庫全書

柯山集卷三十一

宋 張耒 撰

表狀

進大禮慶成賦表

臣伏見皇帝陛下即位以來事天治民虔恭豈弟光被
四表格乎上下雖太母保宥一遵聖訓而仁厚之誠不
言而孚乃者肇見天地實陛下即位之初郊內自臣工

外達海宇于以觀神人感格之際占信順獲助之驗前
祀二日陰霰暮集俄而氛祲廓清星月明潤將事之夜
風伏不興景氣晏濕圓穹清明神祇來格于是乎在凡
執事在列之臣與夫侍御奔走之隸喜動乎容和見乎
聲記曰福者備也備者百順之名也天既順之備孰甚
焉帝之來格見于天時祭之受福見于人情臣幸執筆
待罪太史實奉祝冊天威咫尺親見齋莊粹穆之容陟
降拜俯誠敬兼盡臣竊喜太平之必至多祥之必集四

方之民受福不疑姦宄作慝不禁而息謹撰成大禮慶
成賦一篇隨狀上進雖不足以追配甘泉河東之廣大
盛麗然犬馬之愚庶以自竭伏惟清閒之燕畧佇覽觀
干犯宸嚴無任激切

代文潞公辭免明堂陪位表

合宮備禮方歲事于季秋列位侍祠尚不遺于故老仰
恩榮之優異循哀瘵以戰兢伏惟太皇太后陛下聰明
自天博厚載物左右景命已大濟于艱難保佑神孫既

聿躋于齊聖邦家康靖邦正昭明頌德告功既對天而不怍隆禮備樂念報本之惟時當魚麗之時而物既盛多由思齊之聖而神無恫怨擁絕禧于二聖肆大賚于萬方曠古上儀于今盛典臣久辭屏著退伏里閭覩聲名于垂盡之年受德澤于維新之政顧餘齡之已幸矧召節之見臨是宜策勵造朝齋明就列而衰朽之質登降畏失容之誅疾病之餘朝夕有負薪之懼與其失周士在朝之敬不若同堯民擊壤而歌文物莫瞻夢有鈞

天之想精神未已心為魏闕之遊

代文潞公辭免明堂加恩表

禮行郊廟方推報本之仁燕及臣鄰皆獲增封之錫恩
雖緣于有慶賞亦惡夫無名惟是衰殘尤為冒昧伏念
臣朴忠一意際會四朝超踰等夷出入將相洎老休于
鄉社已位極于師垣何期垂白之餘復相繼明之運空
心半朽久自分于不彫十里已疲冀時資于辨道而歲
月逝矣補報缺然惟知愧懼之無容夫何恩禮之加厚

肆時大亨茲謂上儀方天子致齋莊之嚴而老臣私宿
衛之逸雖聖朝尚齒惟所便安而寵數非常更為憂懼
已足矜榮於在位豈當同衆以疏恩伏望皇帝陛下時
軫睿慈俯迴神鑒必欲寬殘年之隕越莫如裁今日之
寵光耄已及之雖終知其無補天其或者尚假息于餘
齡願正已行庶無太甚

第二表

加地無名方抱戰兢而莫處稽天未答蓋緣誠確之罔

乎盡而腹心再干旒扈臣聞事君盡禮而臣獨無趨拜
之勤陳力就列而臣久涉衰殘之境兩無一可雖聖主
曲為之優容日加三思顧國士如何而稱報惟有稍裁
其寵數庶幾未即于顛隳而恩禮增繁光華沓至既紓
勤于齋祭又申錫其土田高已近危將必憂于隕越折
而致覆亦何益于生成伏望皇帝陛下垂德乾坤收恩
雨露賞行四海當酬可勸之功職備上公豈憂不及之
祿實思危于居位非受爵以苟辭

謝得請表

不能與祭自憐衰老之無堪罔俾造朝更佩恩榮之從
欲內循安便未免驚慚伏惟皇帝陛下龍德光亨天仁
覆露牲玉備物允若神人之和同禮樂在廷肅然祖考
之來格祭則受福天且弗違臣猥以殘年莫瞻盛事雖
行不俟駕在常禮而有誅而老弗及齋知異恩之獨厚
第想光華于天漢竊同歡忭于里閭

代張文定辭免明堂陪位表

明德惟馨方格神于盛禮相予肆祀俄賜召于老臣衰
朽知榮兢惶靡措伏惟皇帝陛下嗣隆聖統躬致太平
翼翼文王之小心烝烝虞舜之大孝季秋順序方萬物
之盛多四方和來加多士之奔走祇見列聖袞對昊穹
敬布政之法宮大明禮樂受丕天之景貺均被邇遐喜
交神人慶浹夷夏凡執事豆籩之末或觀光輿隸之間
足為至榮可以無恨而況臣猥以屏退尚叨記存溫詔
在門外庭有位固願聞舜韶而率舞瞻堯日以傾心而

遲暮之餘衰疲且久筋力已消于疾病纔冀盡年踈野
久放于田間不足為禮當千載之接統自滯周南奉半
夜之受釐莫趨宣室無階策勵惟劇飛馳

謝太皇太后表

稽留君命敢求免于刑誅惠養老臣不使勞其筋力仰
睿私之從欲撫衰志以知榮伏惟太皇太后陛下厚德
無疆至仁在上神孫臨祭知保育之聖功多士充庭見
肅雍之盛德恩及草木喜同天人臣幸以餘齡獲逢盛

典雖籩豆駿奔之事徒有心哉而禮樂大備之時為後死者豈其偶爾尚足矜榮

代范相讓官表

不俟駕行既已馳驅而至疇若予采復膺考慎之求在明主圖舊之意則深于愚臣陳力之義則過伏以二聖求治歷年于茲忠厚之澤足以傳之無窮仁孝之誠固已格于上帝守此成憲底于太平加以左右輔弼之臣盡極老臣俊乂之選何圖次輔之虛位乃復召臣于守

藩茲蓋伏遇皇帝陛下廣度兼收至明洞照察其疲駕
之不逮出于憫恤之無他意其先之教忠恐或老而更
事責以來效用之不疑上副眷求敢愛竭盡而臣伏自
深念固非飾辭形骸已衰心力隨耗雖輔相重任不欲
舍其舊而新圖然衰疾交攻豈期老將至而耄及雖至
仁之曲被顧公議之謂何豈無巖穴待招之賢朝廷委
質之彥與之圖國足以格天而臣已試之效可知將老
之誠彌切不能就列辭敢避于再三因是得人功猶期

于萬一

謝宣賜歷日表

在昔哲王德暨鳥獸魚鼈肆時治古歷象日月星辰既
推步以授人時又協正以觀候度惟盛朝之稽古蓋列
聖之在民伏惟皇帝陛下聰明憲天仁厚愛物順帝之
則既先後而不違使民以時無困窮之失所顧茲寒暑
之節實惟衣食之原以臣職在承流恩叨頒朔敢不推
風化之有本躬勸農耕顧猷畝之無知孰原帝力

謝欽恤刑表

歲舉舊章雖謹有司之職詔頒列郡實皆天子之恩恭以聖人之于物蓋本好生哲王之用刑初非獲已方天時之災燠憫囹圄之係累渙發德音卹及民隱伏惟皇帝陛下哀矜庶獄明慎用刑內修百度以肅權綱外推至仁以惠黎庶下念狴牢桎梏之苦必使飲食沐浴以時君恩及斯民命何有臣職當賦政責在承流雖未能裨聖代之措刑必使無訟而竊慕古人之為獄自以不

寬

謝明堂赦書表

伏以宗祀于明堂既盡寅恭之志大賚于四海徧覃在
宥之仁凡出照臨悉周惠澤恭惟皇帝陛下堯仁若日
舜孝格天法度修明既聿追于先烈號令寬厚已深結
于民心肆明大享于合宮是謂嚴親之盛節禮成有慶
既賚予于善人德及無疆將陳常于時夏興哀多罪罔
圖渙然一空頒錫六師忠勇為之十倍不冒出日罔不

嚮風洪惟盛朝集此熙事臣職司牧養責在承宣敢不
撫陛下可封之民鎮以無事布陛下維新之惠期在措
刑

黃州謝到任表

准告罷管勾明道宮落職添差監黃州酒稅礬務者臣
已于今年三月到任管勾訖伏以矜其多病祿之仙聖
之祠誅其積愆斥之管權之任雷霆既震螻蟻曷逃罪
大責輕感深涕隕伏念臣粗親翰墨篤好文詞曾未窺

其藩牆妄見稱於流輩漫蒙寵祿頗躡等夷久離中秘
之逸書與記漢家之故事入侍帷幄曾未歲時而疾病
侵凌精神疲耗一辭螭陛兩換虎符幾聞報政之能徒
幸養疴之便投閒置散于分為宜號寒啼饑其窮已甚
方大明于淑慝固無遁于誅夷惟是齊安近在淮右雖
薄加于黜削乃猶即夫便安非大明之燭幽顧微生之
何恃茲蓋伏遇皇帝陛下至仁溥及盛德好生謂刑以
止邪用之初非獲已而罪非極惡議之必傳惟輕遂致

夙愆猶逃大戮臣敢不改心思過擇地圖新駕馬已疲
久息錙鸞之望秋葵未隕常傾向日之心苟一介之有
施終九死而無悔

黃州安置謝表

准告責授房州別駕黃州安置臣已于九月初三日
到黃州公參訖率情而動蓋緣不學之愚議罪惟輕上賴
好生之德伏念臣僻迂陋學庸瑣散材頃守汝陰實名
長吏不能明義以自立乃敢徇私而致哀迹涉背公事

非攷古果不逃于正論猶竊追于嚴誅尚畀散官更居
善地茲蓋伏遇皇帝陛下聰明洞照博厚有容論罪必
原其情用法每加之恕故令螻螻少緩雷霆臣敢不祇
服上仁深思往咎禔身以敬學禮必明從多士以立朝
莫諧素願問老農而學稼誓畢餘生

辭免起居舍人狀

竊以言動之職最近清光儒學之臣以為榮選臣孤貧
晚進駕散薄材擢自選人寘之太學復天祿石渠之職

首預選掄紬金匱玉版之書兩領著作功能幾有屏退
所甘加以冒昧史官頗糜歲月論次故事徒事簡編何
有賢勞遽叨獎擢浸階華近入侍禁嚴內循弱質之易
搖實懼多言之可畏敢傾誠懇祈止誤恩免速顛隤更
累樂育

任起居舍人乞郡狀

右臣准尚書省劄子以臣乞知潁陝徐潤州一次奉聖
旨不允所乞者臣伏以君父之命當即奉承尚敢煩言

罪當萬死臣秉筆史館入侍禁嚴漸階寵榮固願冒昧
然親近清光而衰瘵敗其支體論次舊聞而疾苦耗其
心精常懼尸官安能稱職義當自列敢避重誅伏念臣
自患風痺今已五年雖粗支持而去年冬末因患瘡疹
毒氣流注支節脚膝痛痺甚則屈服乘騎拜伏動憂顛
仆力加調養或可完安失今不治必成沉痾聖君在上
仁愛兼容臣下得以言情卑賤亦思從欲伏乞除臣知
潁陝徐潤州一次庶得少就優便專意藥物民社可以

竭力俸廩足以紓貧猶冀疲驚復備鞭策

冊文

皇太后諡冊文

維年月日孝子嗣皇帝臣某再拜稽首言曰竊惟詩人推本周文王之功德曰文王初載天作之合自古帝王之興必有聖母以助內治以施陰教表裏協濟王功以隆而能同享太平之福嗚呼非天眷命于有邦其何以臻此惟我烈考聰明睿聖緝熙五聖之遺緒興起萬世

之長利惟我聖母應期挺生粵自潛邸作配宸極肅正
中闡敷睦九族法度形于燕閒恩惠逮于微眇俾我烈
考之德孚于朝廷不冒海隅惟末小子幼被撫育顧復
之恩長受教誨勸導之益延入翼室用端命于上天方
圖內承東朝之訓外竭四海之養而否德薄祐天降罰
于我家亟奪我聖母覺覺在疚日月于邁有司稽古將
節惠以易名惟小子曷足以仰窺淵懿敢祇述所知以
詔後世大行皇太后徽柔肅雍恭儉慈愛實我咸平相

臣文簡之曾孫惟時文簡輔我真祖勤勞在官垂裕乃
後是產淑哲與聖俱興志在女工婦道已茂正位乎內
三十餘年夙夜儆戒靡有違德慈聖宣仁兩姑並尊承
顏二宮孝恭烝烝元符之末國統弗嗣相臣異心大計
机陞中外震懼寒心拱手惟聖母稽謀神祇憲章典禮
力授眇躬大統以定惟平日退托潛德弗耀而任大投
艱克有餘裕片言析理凶狡震服所謂坤至柔而動也
剛雷聲而淵默者歟惟宗社有奉神人有依實自我聖

母祇率故事恭請同政至於再三勉與聽斷蕩宥多辟
滯滯昭蘓決去蒙蔽人材咸叙華夏蠻貊戴白垂髻聞
風歡呼喜氣橫流休功美利申固景命亦惟我聖母而
乃夙夜兢兢克自抑畏視事不臨于便坐私諱不及于
外庭不敢自同先后而復遠鑒前古期以泰陵祔廟退
處房闈既又慊懼亟降璽書曾未及期已復明辟友愛
二弟恩卹篤至而憂其挾責諸外不許宮室器服無所
增廢不為浮麗可喜之觀嗚呼為天下之母而躬賢哲

難能之節當太平盛世而謹古今易忽之戒可謂明哲
絕德鮮儷矣卜宅爰從因山既藏是用咨于卿士受命
祖宗惟道大不可形以名言德厚不可盡以稱謂謹稽
四謚之法畧舉衆善之端以慰臣民以示子孫謹遣攝
太尉具官臣某奉玉冊玉寶上尊謚曰欽聖憲肅皇后
恭惟神靈在天休聞在下光于宗社表于有宋億載萬
世與國無極嗚呼哀哉謹言

欽定四庫全書

柯山集卷三十二

宋 張耒 撰

論

論法上

古之善為天下者不患法不立而患不能為法不患法不足而患法密而不勝舉然則天下之治亂不係法之存亡歟夫亦有推本而後知其至也夫法之所生不生

于無事事起而不可理則法從而經之事日益多法日益周事日益新政日益工並起而相制則不勝者受其患故法不勝事則天下之亂紛然而起故治天下者非無法之尚也為其無事之可貴也非法備之可制也為其事變之可慮也昔者三代之治不若堯舜商周之治不如夏后孔子曰後世有作者虞帝不可及已又曰虞夏之道寡怨于民商周之道不勝其弊堯舜之禮比于夏后之時則畧矣商周之禮比于夏后之時則備矣夫

四代之治否豈禮不具之罪哉制度日多淳粹日衰矣
天下之勢譬如人之一身夫世之人有不畏寒暑不治
藥石恣口之所食肆體之所安夫如是者問其年必壯
者也深居奧處愛養備至藥石百物毒烈並進而灸艾
鍼砭適體而無遺問其年則必老者也夫虞夏之道壯
者也其不治可為也其不足可補也壯者之疾易治也
其成質未虧而可以有為也商周之道老者也其不治
難為也以其嘗治之而不信故也其不足難補也以其

嘗補之而不滿故也以彼之疾方來而吾之術已窮彼之變朱休而待之道已盡如是則死繼之矣嗟夫天下之不願取辨于法也如此而世之君子撫事制變而尤法之不足豈不悲哉夫法度之弊起于德不足而求勝其民而敗于啟民之邪心而多怨夏之繼舜也豈不知舜之為不可及也商周之繼夏也豈不知弊之將不勝也然而明見其弊而為不已何也豈其世變日繁而德有所不足故耶德不足以還民之初熟視其亂而莫之

禁則將以智加之故曰法起于德不足而求勝其民夫
上以智勝其下則下亦以智勝其上不絡馬首則毀御
竊轡之馬終身而不知不立門戶則穿窬竊發之盜終
身而不為法之于民常制其一而開其一制之者易見
而開之者難防上下以智相勝而姦邪詭偽不可勝究
故天下之人始忘其歡欣戴君之心而有怨怒忌上之
仇故曰敗于啟民之邪心而多怨嗚呼夏之後為商商
之後為周三代之變未甚相沿也其治亂之迹未甚相

遠也周亡而為秦天下大亂三王之治掃滅而無餘治
世之迹卒不能復先王之絲毫而三代之俗遂以不見
于後世何也夫法未極則俗之變未足夏商之法嘗若
極矣然民未大厭也民有未厭之心則其淳氣美質猶
有存者周之法詳矣不可以復加其俗之變已窮而民
之姦心邪態靡不畢出其智備其質盡其惡足其美殫
故周之亡而不可復為矣此聖人所以深悲之而曰周
人之末瀆神而賞爵刑罰窮矣此後所以為秦也歟

論法下

古之有天下者必得于紛爭放亂之後夫人之情出于
亂亡之後則其情苦而思安夫惟其情苦而思安故其
事簡而易教天下有易教之俗則上無難立之法故有
國家者其初世常綏靜而易治安平之日久而民之侈
心生嗜欲之動無窮而罪過繁故居其上者乃始日夜
補完其缺敗而調伏其倔強曲為之防多為之制法度
繁興刑政畢舉文勝而質不足名美而實不稱故大抵

有國者中世以後天下之事常多而國家之觀益美生
民之過日滋而有司之文加備而世之惑者以為能完
上世之不足而務求前人之所未成以為成功而不知
其不若使上世之質未散而前人之樸常在也天下之
物其勢相激而後變生焉觀美者實之所由亡文備者
偽之所自起蓋嘗以漢之事考之高祖取天下于秦民
出于百戰夷傷之餘父子兄弟僅相保聚以安其生故
其氣帖然靜愿而少事而高祖文景得以畫一之法羈

廣而安輯之歷數世而天下安妥內有大亂而豪傑不
作此民淳而法簡之效也至于武宣天下之勢久習于
無事民意日縱豪俠盜賊稍起于里閭而二帝乃修明
制度收納天下之才講政備物以與天下戰于才智之
中才者奮而姦者隨之强者勝而亂者因之紛紛藉藉
以傳于不肖之子孫而漢以大壞此則事衆而法備之
弊也故下之難治不在于創始鹵莽之初而而常在于
積安大備之後是故君子必觀其兆而審其宜解其甚

而不激其變使其勢不為周人之已甚而務使後世可
以有加嗚呼其本果安在哉蓋天下之弊好極治者必
召天下之大亂務窮利者必貽天下之大害夫汙尊而
抔飲蕢桴而土鼓天下之人苟未厭其為禮樂也則吾
之禮樂雖足以備天下之聲容藏而勿陳也櫓巢管窴
之居衣薪不封之葬天下之人苟不失其為生死之所
安則吾之生死雖足以建九几之堂五稱之衣棄而勿
用可也不亂則已不必邀其敬不欺則已不必盡其忠

是謂不求備于民矣可以之道起于不求備而效于人
不厭譬之萬金之家責之千金其力亦足以供我之求
然吾曰取一金焉于是有不得已而取之百金彼猶樂
輸而不怨何則彼惟所有者未竭而不厭故也故禮樂
刑政之設于下使有未厭之意則後世有作者得以復
加焉故其弊也可以有救而不至于術智竭盡而無繼
嗚呼惑者徒見法度密而民不化文理具而功不立日
夜從而加之嗚呼亦失其本矣天下之勢不可以激而

民之智不可以窮激之以所欲者必得其所不欲窮之以所能者必報之以所不能徐導其欲激之勢而不扶其未用之智則天下久安而無虞然則周人其未足以知此歟彼惑者遭其會而有不得已焉故也嗚呼治天下之難也其為物也大而難舉其為情也雜而不類為之不得其要用之不中其節用力勞而功不成是故聖人本諸道而明于術凡吾所以為術者制物以使入于吾之道也然則何其不直致吾之所欲而為是委曲迂

緩而使之從也夫人之情使之從我而劫之以刑則成功難陰有以役其心使之不得不從我則成功易今夫欲天下之畏也而陳之以刀鋸欲天下之愛也而陳之以金帛此直致其畏愛者也夫刑戮賞賜非不足以立畏愛也使必陳其物設其具則刀鋸金帛亦不給矣且天下固有不愛金玉之賞者則賞之所不能悅也有不畏刀鋸之刑者則刑之所不能懼也故欲求吾欲而直遂焉者其事繁其教粗吾與物以力相勝而物之從之

也內有不伏之心而吾力之所不周者亂之所從起今夫馵馬之于車也奔驟舒遲至難齊也夫人之于馬必待夫躬臨之而後如意耶則一車而四馵未能足也今以一御而馵馬之遲速惟十指之聽者以吾所執者轡也以一轡之約制馵馬之節者執馬之要雖欲不我聽而不可得也是先王之所以後天下者執天下之轡也今夫橋衡之舉水也左仰則左俯右抑則右揚夫曷不欲俯則卑之而仰者何與焉欲揚則舉之而抑者何與

焉夫惟卑者有不能使之卑而後仰者用也舉者有不能使之舉而後抑者用也先王知天下之卑高有不可以刑為也故其為所以卑高者而不為其刑古之知是道者執天下之所必從者如轡而制物理之必應者如衡四凶天下之巨蠹也商容比干箕子商之望也舜能使天下不犯于有司而度罪之不可以盡刑也取天下之巨蠹者而擊之天下雖有悍強不化者知所畏矣舜非徒能施刀鋸也能沮其不畏之情也武王得商而善

者未可盡賞也取世之望者三人而尊禮之而商之為
善者悅矣夫武王非徒知尊賢能也能動其悅我之心
也故舜武王執天下之轡者也昔梁惠王以利問孟子
而孟子非之然其終曰未有仁而遺其親者未有義而
後其君者也何必曰利夫使不遺其親不後其君利之
大者也梁王以為利而孟子非之何也孟子者以為不
求不遺于民而後民守之不求不後于民而後民先之
彼以利而責望于民則民散而惟利之從而卒不獲吾

之所求梁惠王之術踈而孟子之術精梁惠王之事拙而孟子之事微老子之道絀術者也其言曰將欲翕之必固張之將欲取之必固與之又曰非以其無私耶故能成其私夫將翕而合之將取而奪之行其私以成其私是以暑徵暑以寒致寒陰陽之所不能為也天之將寒也不以霜雪為之也金石烈土山焦者所以為今日之霜雪也天之將暑也不以蒸鬱為之也震風積雪者所以為今日之炎烈也故邀其反物之功不能遠守其

復物之情不能伏故孟子之術低昂天下之衡者也夫
術有小大道有邪正天下之士徒見夫世之淺人執小
術踣邪徑而流入于譎詐之域而曰聖人無術直道而
已矣嗚呼亦惑矣聖人之所謂直道非無術之言也過
乎術者之言也故其道平易而有成惑者之所謂直道
不及乎術者之言也故其道踈魯而多敗文王以仁義
而王宋襄以仁義而亡均為仁義而存亡異何也焉獲
之力弛而不用遇盜而三揖之則盜知服矣無焉獲之

力遇盜而揖焉則死矣文王過乎術者也采裘不及乎術者也而况聖人之未必不出乎術也

知人論

甚矣用人之難也天下之實材常深伏而不發非遇事焉則有終身不可窺者故其勇足以暴三軍服四夷而其外如怯其節足以斷大事成大功而其外若不能有所為者方其未發也其言語動作坦然無以異于常人卒然即之而不知其器是故非有深智英明之君不得

而用之而世之小人常有自蔽其不肖以惑世主之聽而卒敗天下之事可勝歎哉彼小人者其中實怯而視其外則發揚振厲而若勇其中實庸而聽其言則辯給開敏而若才卒然即之若真可與有為者是故世主往往甘心而不辭至于謀窮計失而後悔嗚呼用人之難也如此蓋嘗聞之古之求知人者于人也
不觀其形似而察其中于已也不逆于耳目而逆于心察其中則見其所窮逆于心則為慮也深彼小人之將欺我也不過

多為形似以動吾耳目之間而已彼安能為實哉而吾應之也常出其所不意而後小人之情見而天下之實才亦雖欲伏匿而不得蓋昔者霍光之所為固非有征伐攻取之謀而文采緣飾之可喜也朴然庸人而已耳非有武帝之聰明不足以知之故卒然用之而不疑與之以兵尊之以權提孺子之天下使之謀之而光果有以當之也蓋當其初朝廷之臣孰不以為過之而至其有所立則有震懼而不敢與者然則光之平生之所為

豈可以占其後之所發者哉議者不知武帝之用光蓋其知人之明而遂以為當時之臣惟光可以勝其任彼徒見其成功而後知之不知當時之人才足以治軍旅決成敗而書生儒者之論孰非仗節死義之人安肯棄而不求而授一木強之霍光哉唐之文宗昭宗其憤亂也甚矣不愛高爵重祿以致天下之士投其誠而與之比其志皆可與立功而其取人無術故徒以益亂彼李訓張濬者其言語動作如可以立功者也大言而不顧

敢為而不憚故二君惑之雖有間焉不可得而入其後
卒然而發以區區之宦人不能少制其亂提兵數萬而
不能取李克用之一鏃卒之身滅國弱為天下笑彼二
君惑于形似故也李係好言兵而王鐸與之兵李元平
好大言而關播授之權卒于無成為天下笑嗚呼使人
之知人獨視其外而可以不疑則知人者帝何其難之
也

將論

天子之臣自公卿大夫雖或闕焉而不足以為急其不可以一日闕者其惟將乎夫將之所以為急者非以夫任之有以過夫公卿大夫也為其事之不常有而人之能之者少也今夫醫之為藥也金石草木之珍世之所共有者未必藏也至于遠方之物山海之奇產與夫人力之不可以常得者則必預蓄以待其用今夫百姓之不安而財用之不登刑罰之未平而禮義之不興其為患大矣然其為事也天下之所習知故其為術也人人

皆足以措手足卒然求其人而易得也講其術而易曉也譬之于金石草木之珍其所治者大矣然人人之所知而有之雖不素有無害也或一旦之急提百萬之卒以與人戰勝則生敗則死天下之人無事則廢而不講有事則避而不願見者也故其為事不常有于天下幸而千萬人之間而有一人學焉而知其術用焉而見其利故人之習之者少非卒然可以朝求而夕得苟取而驟用者也譬之有疾于此而待遠方之奇藥豈不殆哉

先王知其然故雖隆仁義禮樂以化天下之俗消伏悖戾好爭之心而常陰求天下之奇才以待不測之患蓋嘗寓其法于六鄉六遂之間使卒乘車徒之制素具而朝廷之公卿大夫外之諸侯之君朝聘燕享從容歡欣之際必陳弓矢以講射而四時之隙則命有司以講武以天子之尊而馳騁于草野親金鼓干戈之勞以射取禽獸蓋享宴者人情之所樂而弓矢者威武之具田遊者佚樂之事而殺獸者征伐之容蓋先王所以藏天下

之所畏于人情從容之際凡此者所以陰養天下豪傑
之氣使之一日習知其術安之而不懾也是故先王之
于將也非特能求之而又能養以致之至於後世秦漢
以來其慮天下之變已不能如先王之時而獨知求而
用之而已養之有術以致其才求之有方而知其實此
先王之法也故其術無窮養之無術而知求之愈于不
求焉可也此于先王之時則十已失其九矣嗚呼先王
之法後世既亡矣安坐而不求求之而非道者未見其

可也

本治論上

治天下之道有歷萬世而可知者有朝不可以知夕者
自三代以來至于今蓋已數千百年事勢之變雜出而
不可期然而如是而為仁如是而為義得之則安失之
則危者未始有改也此雖歷萬世而吾能知之者也雖
然仁與義者吾能知之其所以為仁義者吾不能必也
今天下之所謂仁義者有生之而為仁亦有殺之而為

仁有利之而為義亦有宥之而為義彼聖人之治天下其可必者吾之所為未有出于不仁不義者而已矣必將求其所以致仁義之迹則雖聖智吾知其不能前知夫天下之事未始一也循之則弊激之則變反覆相代而不可知今夫質之與文是無以異于冰炭之不可同也然質之弊則文必至是何也勢之所激故物有以極陰極不生陰而生陽寒極不生寒而生暑故物有以同相戾有以異相使此之謂激之而變者也彼先王之治

其初固未嘗不善也而至于後世而不能行何也循之故也譬之水也決之而注于海則有所避有所就縱橫委曲而不可一而後海可至也有賤丈夫焉不知其為如此以為水出于西則決而西水出于東則導而東當避而不知避當就而不知就則力可竭而海不可至也夫聖人之法何為而立也吾乃處于此時去矣而法不改則雖聖人之法有所不能為區區而循之堅守而不變時日益異而吾方俛俛然抱已陳無用之物而求施

之則亦何施而可哉此所謂循之而弊者也惟其循之而弊是故隨其所激而變從之天下之事如此而不可一也而世之惑者猶將舉腐餘已棄之空文而求為之無乃已踈乎凡此者朝不可以知夕者也治天下者必求至于仁義而無禍猶治身者必求至于安樂而無疾也夫求安樂而無疾則必察夫寒暑之動而為之應故狐貉以禦寒而絺葛以去暑凡晦明燥濕之變吾皆有以制之而吾初不能自必夫如是而後安樂可為也寒

而為裘暑而不易暑而御葛寒而不變如是則疾而死耳尚何安逸之有哉嗚呼知此而後可以語治天下也

本治論下

或曰三代以來天下之未大治豈非天下之勢有不便歟嗚呼是未達夫變者之論也且天下之勢果何為而起也方三代之時列而為諸侯自王畿之外皆侯國也當其盛也藩翰屏蔽而王室以之彊及其衰也分裂四出更為攘僭而不可制而後天下之勢合于一而秦始

為郡縣以收天下之權而其弊也天子孤立于上匹夫橫行而莫之禁至于漢而天下之勢遂離而不一裂為三國而合于晉分南北而一于隋天下之勢雖或不同然當其改也必有所懲當其立也必有所利蓋自唐之末始有藩鎮之彊而唐以之亡歷五代而不能改至于今而藩鎮之禍遂大去而不復今天下之勢委于守令而分于監司總于朝廷自三代以來至于今何其屢改而不一耶其無乃出于有所激歟故堯舜之不得不為

諸侯猶今之不得不為郡縣也故兩出于不得不為則
勢者固有所定而不可變故天下之政有是非而天下
之勢無可否譬如人之自少而之壯自壯而之老也夫
三者固未始不同而各有所養亦各有所樂苟不知所
以待老之具而必曰壯而後可則惑矣按今之勢而善
為之其誰曰不可而必曰唐虞三代之勢而後可則天
下卒不可得而治也然則三代以來其隳于治者其病
果安在哉蓋有二說一曰尚虛名而忘實利二曰謹小

過而失大患何謂虛名好堯舜三代之名是也世之學者圍坐而議政未有不曰唐虞三代者也其言當時之病未有不曰不如唐虞三代者也夫唐虞三代之法豈誠有所不足哉時易而事遷世變而勢異譬之鑄金琢玉以為飲食雖美而無所用之矣有一人焉彊立而不顧則必羣笑而競排之以為臆說而不學而不知吾之于堯舜三代固相期于仁義之地而吾何求其名哉蓋昔者夏為貢法以取其民至商而為助孟子曰莫善于

助莫不善于貢嗚呼使世之惑者必曰禹之法豈有不善哉而不知夫末世之利聖人不能預為而已去之時聖人不能彊至也嗚呼使堯舜三代之聖人復出于今而反顧當時之所為吾知其必不復為之矣故夫天下之不治未始不自好名始也昔者王莽之井田後周之周官房琯之車戰嘗試之矣譬如病狂喪心之人越行妄作而不顧是果何益哉此之謂好虛名而忘實利者也何謂小過夫世之人有好種植者一日種之一日溉

之一日培之朝俟其長夕伺其蕃一日百至而不倦是其愛之亦至矣然木不加盛而日槁又有一人焉既植而去之行三年而反而木之大可拱矣是何也凡物之性不擾則樂而滋數治則殘而槁且秦之吏比漢之初則勤矣遠邦小都之民其知秦之政令亦熟矣秦之命令布于田野閭里之間者亦至矣而民亦怨苦而漢初之吏雖不如秦之勤而民樂之何則秦之所急者不過簿書文法之間謹嚴其細而勞擾之民固已不勝其弊

矣此無以異于愛木而日擾也彼漢之初雖號為文潤而網疎然不過少弛于簿書期會纖悉委曲之間而民乃不至于勞擾則何怪乎天下之治哉彼一溉一培之失時于木之性未害也彼不求政之所病而乃尤天下之勢嗚呼其亦不知治本哉

柯山集卷三十二